

80% dals emploiads han puspè lavur

Concurs da la firma Pitsch SA

DA GION NUTEGN STGIER / ANR

■ **Ier ha l'Uffizi da concurs Maloja infurmà las medias concernent la situaziun actuala dal concurs da la Pitsch SA. Pertutgads da quel concurs èn 441 crediturs. La summa da concurs è fin il mez da zercladur na publica, cun durar il termin d'annunzia dals crediturs anc trais emnas.** Avant in mais aveva la firma da constucziun Pitsch SA annunzià ses concurs cun deponer la bilantscha. En in culp han 200 lavurants pers lur post da lavur. Uss in mais dapi quella novitad ch'ha cunzunt schocà la branscha da construcziun, però er la pulaziun da l'entir chantun, datti bunas novas.

In cas pli grond

Ier mesemna avantmezdi ha gi lieu a Tusaun ina radunanza dals crediturs ch'han dabun dal manaschi en concurs pli pitschnas ubain pli grondas summas. Suenter quella ha lura l'Uffizi da concurs Maloja cun ses manader *Andrea Fanconi* e ses cussegliader *Jürg Girschweiler* envidà las medias a Cuir per ina infurmaziun. Sco quai ch'*Andreas Bantel*, il pledader da medias dal concurs da la Pitsch SA, ha ditg tutga quel concurs tar in dals pli gronds, uschia che cun quel hajan dus administraturs da concurs da sa fatschentar. Bantel ha er ditg ch'i na saja betg usità che l'uffizi da



Ilis represchentants da l'Uffizi da concurs Maloja han infurmà ier da la situaziun actuala dal concurs da la Pitsch SA: **Andreas Bantel, Andrea Fanconi e Jürg Girschweiler (da san.)**

FOTO G. N. STGIER

concurs envidia ils crediturs ad ina radunanza ed infurmaziun. La raschun saja er che l'uffizi da concurs veglia quater rinforzar ils crediturs. En il concurs da la Pitsch SA dentant saja quai bunamain ina obligaziun cun esser pertu-

tgads dal concurs 441 crediturs. Quels hajan er instradà suenter la radunanza a Tusaun ina cumissiun da crediturs a la quala appartegnan trais advocats. Quella cumissiun saja adina er en contact cun l'uffizi da concurs, er per esser in-

furmada da l'entir proceder da concurs. Bantel ha er menziunà che tar in concurs d'in manaschi hajan ils emploiads emprima prioritad per survegnir daners. Uschia saja quai er tar il concurs da la Pitsch SA.

Ilis lavurants da la Pitsch SA èn tshertgads

In fatg plaschaivel saja bain che dals 200 lavurants da la Pitsch SA hajan 80% gia in auter patrun ed hajan chattà lavur, ha punctuà Girschweiler. El ha er ditg ch'els lavurants da quel anteriur manaschi da construcziun sajan fitg tshertgads. La Pitsch SA haja gi in bun num ed ils emploiads sajan enconuschents sco persunas dal rom, lavurants serius e cunzunt fidaivels. Quai sajan las raschuns principals ch'els hajan chattà bainspert in auter patrun. Girschweiler, Fanconi ed er Bantel han tuts trais ditg ch'en quella chaussa saja er la famiglia Pitsch stada fitg gidaivla.

60% da las lavurs cuntinueschan

Suenter il concurs è per in pli lung temp sin 86 plazzals da lavur che la Pitsch SA era vidlonder stà ruaus. 60% da quels plazzals han autras firmas surpiglià en quel mument ch'è vegnidas liquidadas tut las furmalitads e contracts fatgs tar la surdada da la lavur cun la Pitsch SA. Tar 20% dals 86 plazzals sajan ins sin buna via da cuntinuar proximamain cun las lavurs. Bun 20 plazzals, sco per exempel il pli grond quel a Marmorera, cuzza quai anc pli ditg er cun eventualmain avair da scriver or da nov las lavurs. Ad Arosa haja ina firma gist surpiglià ils lavurants da la firma Pitsch SA ed er gist il plazzal.